

Bibliothèque numérique

medic@


Amy, Antoine Toussaint - candidat /
Silvy, Jean-Antoine - président. - [De
cancro mammario]

1751.


*Paris : Typis Delaguette Regiae
Chirurgorum Academiae
Typographi*
Cote : ms 2342, n°8

1751

POSITIONES ANATOMICAES



0 1 2 3 4 5 6 7 8 9 10





D. O. M.
POSITIONES ANATOMICÆ
ET
CHIRURGICÆ.

EX ANATOMIA.



UAM dira sit cancri fævities, ab omnibus notum est. Et si vitium illud, quamlibet corporis partem, offendere possit; frequenter tamen mammas feminarum infestat. Quia propter, ad Chirurgicas positiones remissâ cancri mammarii curatione, pectoris externas partes hic perlustrare juvat.

PARTIUM externalium pectoris, seu trunci partis collum inter & abdomen sitæ, diversa natura; aliæ ossæ, cartilagineæ; nonnullæ musculosæ; quædam vasculosæ, nerveæ, glandulosæ; aliæ membranaceæ sunt, & adiposæ.

OSSIVM Thoracis ordo sic se habet: regionem anteriorem sternum & claviculæ, posteriorem vertebræ duodecim & scapulæ,

Tlatera occupant costæ in veras & spurias distinctæ. Costæ propriæ cartilagine adauctæ , miram arcuato fornici ferè similem , sursum angustiorem , deorsum verò ampliorem , machinam efficiunt.

Duo pectorales musculi , & serratus major , partim mammis subjacentes , oris costarum , intercostalibus ve musculis & aliis , diversimodè adhærent.

P E C T O R A L I S majoris & latissimi dorsi humero insertiones cavitatem axillarem efformant ; ubi à glandulis , pinguedine , & vasis huc & illuc serpentibus , plurima Chirurgo notanda veniunt.

M A M M A S , in anticâ thoracis regione sitas esse , neminem fugit ; harum usum & molem tūm à sexu , tūm ab ætate , tūm deniquè à vario feminarum statu , repetere necessarium est.

P R O diverso , in prægnantibus , puerperis & lactantibus , ac in maribus & infantibus , mammarum usū , ipsarum glandulæ ad congregatas modò , modò ad conglomeratas revocandæ.

O B arteriæ mammariæ cum epigastricâ anastomosim , mirum uteri cum mammis fieri consensum , quidam existimarunt : exinde mulieres quinquaginta circiter annos natas , suppressis videlicet membris , cancro mammario magis obnoxias esse , nec immerito patrunt.

D E S C R I P T A S thoracis partes , communia velant tegumenta ; ex quibus ad mammæ centrum efflorescit papilla , quam cingit areola.

E X C H I R U R G I A.

C A N C E R , græcè *Kαρκίνος* , tūm ut tumor , tūm ut ulcus spectari solet. Propriâ descriptione donatur quælibet cancri species.

C A N C E R tumor , est durus , inæqualis ; quandoquè rotundus , calore & dolore lancinante molestus ; circa plures , inflatæ serpunt & prominent venæ ; in quibusdam verò delitescunt. Alba vel rubra , livida vel nigra cutis , pro variis depravationibus , remanet. Nonnunquam dolore , calore , pruritu & inflammatione ingravescientibus , ipsamet cutis , gangrenâ correpta , disrupitur.

L A C E R A T A cute , hiat ulcus fœtidum , in ambitu subnigris turgescens venis : tenuis ac interdùm siccibus vini similis , manat sanies , quæ acrimoniâ suâ non cutem tantum , sed & subiectas partes , multo cum dolore , corrodit & quasi depascitur. **E x u l c e r e**

subpallidæ carnes acervatim luxuriant. Inversis, retortisque marginibus, horridum aspectu se præbet cancer exulceratus.

CARCINOMATIS indoles cognitu difficultis : de illâ valdè inter se dissentunt authores. Nonnulli, à vermiculis carnes depascentibus ; multi, malo lienis & jecoris habitu ; alii verò , peculiari quodam vitio , carcinoma procreatrum judicavere.

CANCRI causa duplex ; proxima, & remota. Retento in mammis humore , unius glandulæ , aut plurium glandularum vasa minima mox ingurgitantur. Concrecente humore , obturantur quoque vasa majora : hinc circuitus liquorum in vicinis partibus impeditur : en causa proxima.

Quæ , aut lympham spissare , aut vasorum tunicas deprimere & vellicare possunt, ictus , punctiones , lapsus , compressiones , suppressi menses , quandoquè hæmorroides , indebita victus ratio , peculiare vitium , scilicet venereum , scrophulosum , scorbuticum , &c denique acria quævis sanguinis massam labefactantia , remotas inter caulas annumerantur.

Ex allatis descriptionibus , genuina patent cancerorum signa.

A carcinomatis caufâ , situ , vetustate , gradu , & totius ægræ corporis habitu , prognosis habenda.

Cur multos per annos in eodem incrementi statu permaneat tumor ; cur verò paucos intra menses , paucos-ve quandoquè dies ultramodùm adaugeatur ; quænam exindè deduci debeant animadversiones ; in motu fluidorum inquiratur argumentum.

TUTIUS citius ve scalpello sanari cancros , ratio comprobant & experimenta. Si quis mali principiis obstat tentaverit , à medicamentis calefacientibus , & adurentibus , fese abstineat.

Quod ad operationem spectat : acus veterum , forcipes , fureas , & alia hujuscæ generis rejicienda censemus.

Cum de cancro exiguo & undiquè vacillante agitur , ægræ ritè preparatâ & collocatâ , nunc perpendiculariter , nunc cruciatim , sola cutis rescindatur : deinde digitorum ope , apprehenso & sublevato tumore , textu cellulari hic & illuc resecto , tumoris fiat extactio ; & sic de cæteris tumoribus , si qui sint aut infra musculos , aut ad axillas usque , ne remaneat canceri redivivi germen .

CARCINOMATIS majoris , etiam exulcerati , corripiatur manu moles : tunc cutis ita circulariter fecetur , ut tota deinceps ausegatur canceri massa.

Post canceri amputationem , hæmorragiæ raro metus : si tag

men nimium accidat sanguinis effluvium, mox arte fistatur. Quidam astringentibus; quidam ligaturā coercüere; sed ut plurimum sola valet compressio.

ULCERE ablato vel tumore, plaga ut decet deligeretur; deinceps sectiones, & alia artis auxilia, quantum opus erit, adhibeantur.

SI difficilè ad cicatricem ducatur plaga; vel, jam obducta cicatrice, de novo hiascat ulcus foedum; aut nobiliori parti aliquod immineat periculum: tunc laudatur fonticulus.

QUAE tandem immedicabili cancro laborant, ad curationem palliativam confugiant; ideojugi diætâ, potissimum lacteâ, & topicis lenientibus: saluti suæ consulant.

*Has positiones, DEO JUVANTE, & præside M. JOANNE-
ANTONIO SILVY, Artium & Chirurgiæ Magistro,
tueri conabitur ANTONIUS TUSSANUS AMY Claro-
montensis, in almâ universitate Parisiensi Artium Magister.*

P A R I S I I S,
IN REGIIS CHIRURGORUM SCHOLIS.

Die Sabati 16^a. Januarii à sesqui-secundâ post meridiem
ad septimam. Anno Domini 1751.

P R O A C T U P U B L I C O;

Typis DELAGUETTE Regiæ Chirurg. Academiæ
Typographi 1751.